

# TAKƏLAYA NKA YUTI NMAAWA Tɔ Kutolvu

Yuti takəlaya ta siyisina yulv yaa kpekəle natəli. Isə seelaa tənaya pə kpəntaa. Ilə mpa pa seyəsəyi pəpətə seyəsəj təyə Yuti yookina i takəlaya taa. I huləyi sı mpe nti paa təesəna kē isu ləj nyéma, na isətaa tillaa mpa pa kula Isə təo na ilé i təyəni-wə tə.

**Isəna pa faya Yuti takəlaya tə:**

Kutolvu na seetv, 1-2

Pəpətə seyəsəlala na pa huvnau təm, 3-16

Tampana təŋlaa i təkī pa taa tem ke teu, 17-23

Isə kvlum na ta waasvlu Yesu pa samtv, 24-25

## *Seetv*

**1** Maya Saakı neu Yuti, Yesu Kilisiti təmlə tv.

Má ŋmaana takəlaya kaneyə mpa Tacaa Isə yaawa na i səəli-wə, na Yesu Kilisiti ná təka-wə tə.

**2** Isə i hulı-meyə suulu, na i ha-meyə alaafəya, na i tv-meyə təma səəlvu na pə təo səsəm.

## *Seyəsəlala pəpətənnaa*

*(Piyee II 2:1-17)*

**3** Ma taapala, ma lvpə teu sı nyuyu yapu təm nti tə kē tá təna tá təm tə pə təm ke má ŋmaa-mə. Kəna pə caalı-m sı má ŋmaa-meyə takəlaya kanə na má səəsi-meyə qpalvtu na i yoo Isəsəele nte Isə ha təm kvlum təo kē kpakpaa ke mpa i tı tə pə yoou. **4** Pə taya pvlv təo, yələa asayaa napəli mpa pa sunwa təkev kē ta taa tə, mpe pa keena tá Isə pəelee təm na pā kvsəyəna pa

asilima taa təntə təm nyuyu, na pá kisiyi Yesu Kilisiti wei i tike təkoj i ke Tacaa na ta Səsə tə. Pa təma kpaaluyu ke Isə Təm takəlaya taa kē hatuu ləj ke pa təm kuyu.

**5** Paa na í ka təma-təyı nyəm təkpataa tə, pə wee si má tasa-meyę lənti təəsnyu ke isəna Tacaa yapa Isəyeli yələaa ke Icipiti taa na pə waali í ku mpa pa ta temi-i na pa taa tə. **6** I təəsi si isətaa tillaa mpa pa laja ta həena pəsuyu ḥku pə ha-wə si pa lakəna, na pá kuli na pá yele pa mayamaya pa lona tə, Isə həka-weyę alukpala ke tam tə, na í su-weyę atə səkpetuyu taa, na í taŋna kuyaku səsəən. Ku wule ke i ká tu-weyę saləka. **7** I təəsi si Sətəm na Kəməo na acaləe nna a cəəna-ye tə a yələaa lakaya kē isu isətaa tillaa panə. Pa lakaya asilima kulaputu kē. Pa təŋaya pa tənəj konyuləj isəyaŋ wei i fei lapu tə. Ilə kəkə tam nyəŋka nté pa saləka, na mpi pə lapa-weyę mpv tə pə kpaala paa wei kē təkelekele.

**8** Yələaa mpa pa suuwa təkev kē mprýu mə heku tə mpv pə mayamaya ke pele pa laki. Pa toosee nna pa toosiyi na pá təŋəyı mpv na pá laki tə anı a tuşəyəna-wə na pá wakələyı pa tı, na pá footiyı Isə səsəcəntu, na pá tuvki isətaa teeli nyəma. **9** Isətaa tillu səsə Misəeli ta la mpv. Moisi səpa na Misəeli na iləyən pá həŋi-i na pá yooki tə, Misəeli ta kuli nəyə na í ku iləyən təm na kuyu. Ama i təma-i kē si: Tacaa ká nana-ŋ. **10** Yələaa panə, mpi pa ta nyı tə mpəyı pa tuvki. Na mpi pa nyəmá yem kē pa tı isu taale wontu mayamaya nyəŋuyu tə, mpi pə kuyuna-wə təkpataa. **11** Pa təm we waiyo kē. Kayini ikpate ke pa təŋəyı, na pəyəlaya təə kē pa tolisa pa tı isu Palaam lapu tə. Isəna mpi Kolee ná kpeesəna Moisi tə mprýu pa lapa, iləna pá wakəli tənaŋnaŋ. **12** Ye pa we mə təyənası tətəyəle,

tusuyu wenna, na tənaya pa pəsəyəna pa acima na feele tu fei-wε, hilin̄ haana. Pa wee kέ isu təv piluyuu na heelim kvsı-ku tə, na isu tuŋ wei paa pə tala i lyluyu u lyləyi tə, na isu tuŋ wei pa kpəsəna i lila na í wvl̄ yem təwəkəkə tə. <sup>13</sup> Pa kvlapvtu lyləsəyı feele fei təma ke pa kin̄ kέ isu tenku hula pááná nyəna təokuyu kuhulau tə. Pa wee kέ isu isətvlunjasi kkpəsəsi. Isə təma-wεyε pa təcayale caav ke səkpətiile anaam taa kέ.

<sup>14</sup> Atam saalı kvleluyu naatosompəyəlaya nyəŋ nté Henəki, na inı i ka nana yəlaa pane pa təm ke hatuu ləŋ na í yəyəti si: I tu ɣkpənə na í nu. Tacaa ká kəo na i ká kpənəna i isəttaa tillaa naŋŋ nyémə isu iyisi naanuwā, <sup>15</sup> si i huvkəna yəlaa tənaya təm. I ká ku asayaa təna mpa pa kpəsəna Isə na pá lá təma asayee ane a təna tə, na isayatəm ntí kawalasi nyémə mpa paa see nəyəlv tə pa tu-i tə pa təm. <sup>16</sup> Yəlaa pane, tam kέ pa kvtəyı na pá kaləyi. Pa mayamaya pa kvnuyuləŋ ke pa təŋəyi. Kalampaani təm ke pa yəyətəyı, na mpa pa kin̄ kawaaya wee təyə pa taləyi.

### *Kantəkaya kuyεen̄ taa təma*

<sup>17</sup> Ama ma taapalaa me, mi təɔsi ntí Tacaa Yesu Kilisiti tillaa heela-mεyε tuu ləŋ tə. <sup>18</sup> Pa heela-mεyε si: Tampana təo, kuyεen̄ kvtεesən̄ taa, yəlaa ká lu mpa pa təŋəyi pa kvnuyuləŋ isayən̄ tə, na paa won-me. <sup>19</sup> Mpe pa yelina na fayaŋ kəŋ, pa yvluwεetv ɣmakələna-wε, pə taya Isə Feesuyu. <sup>20</sup> Ama ma taapalaa me, mi səɔsi toŋ ke mə Isə səeŋ kvpam naŋŋ nyəm taa kέ tam. I sələməna Isə Feesuyu Naŋŋtu pəsuyu, <sup>21</sup> na í səŋ Isə səɔlvu təm taa kέ tam na í taŋaa si Tacaa Yesu Kilisiti í ha-mεyε weesuyu ɣku ku teŋ təyə i kvpantu təo.

**22** Sika nyéma təm í la-meygə pətəotəe. **23** I hə-wə na í ləsi kəkə taa na í ya pa nyəəŋ. Lelaa təm í la-meygə pətəotəle tətə na səyəntv. Ama pə krayav pa wontu nti pa yuluwəetv asilima taanaa tə í taa tokina.

*Isə sam*

**24** Isə pəsəyı na í te-meygə təhotile təna taa, na í la na í səŋ i isentaa na í feinā kawalaya, na laŋhulvumle kuyi-me. **25** Ta Yatu Isə wei inu i tike i kék Isə tə i teeli na i səsəoñtv na i pəsəyv na i tonj ka wə mýpýgý, ilə pə wəe mýpýgý saŋa taa na tam təə kék Tacaa Yesu Kilisiti təə. Ami.

**PIIPILI CSILCTM TAKELAYA  
Portions of the Holy Bible in the Lokpa language of  
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ef14191a-91f7-51c1-ac89-7b93dd7c4377